



Republika e Kosovës
Qeveria - Vlada – Government

*Ministria e Industrisë, Ndërmarrësisë dhe Tregtisë -Ministarstvo Industrije,
Preduzetništva i Trgovine -Ministry of Industry, Entrepreneurship and Trade*

Kabineti i Ministres - Kabinet Ministra - Cabinet of the Minister

01 Ref. Nr.20

Datë: 07.07.2021

Ministrja e Ministrisë së Industrisë, Ndërmarrësisë dhe Tregtisë, në mbështetje të nenit 92 paragrafi 4 dhe nenit 93 paragrafi 4 të Kushtetutës së Republikës së Kosovës, nenin 10, 11, dhe 17 të Ligjit Nr. 06/L-113 Për Organizimin dhe Funksionimin e Administratës Shtetërore dhe të Agjencive të Pavarura (Gazeta Zyrtare, Nr. 7/01 mars 2019), nenit 46, paragrafi 2 dhe nenit 47.paragrafit 7 të Ligjit Nr. 04/L-240 për Masat Antidamping dhe Masat Kundërbalancuese, si dhe nenit 8 paragrafi 1 nën paragrafi 1.4 dhe Shtojcës 12 të Rregullores Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrive merr:

V E N D I M

PËR SHFUQIZIMIN E VENDIMIT Nr. 83 të datës 07.07.2016

1. Shfuqizohet Vendimi Nr. 83 i datës 07.07.2016 për marrjen e masës mbrojtëse antidamping për mbrojtjen e industrisë së materialit ndërtimor me bazë argjilore nga importi i produktit/bllokave standard 19x19x25 nga Serbia në Republikën e Kosovës, në vlerë prej 0,02€ për njësi.
2. Ky vendim hyn në fuqi ditën e nënshkrimit.

Arsyetim

Departamenti i Tregtisë duke u mbështetur në kërkesën e Shoqatës së prodhuesve të materialit ndërtimor nga argjila më datën 16.03.2016 dhe propozimit të Komisionit për Detyrimet e Veçanta në Importe në harmoni me Ligjin për Masat Antidamping dhe Masat Kundërbalancuese, më datën 07.07.2016 ka nxjerr vendim për vendosjen e masës mbrojtëse antidamping në vlerë prej 0,02€ për njësi për mbrojtjen e industrisë së materialit ndërtimor me bazë argjilore nga importi i produktit/bllokave standard 19x19x25 nga Serbia. Masa mbrojtëse antidamping për bllokat standard 19x19x25 të importuar nga Serbia ka ardhur si

rezultat i shitjes së produktit në tregun e Kosovës nën vlerën normale të çmimit të tregut. Mirëpo, bazuar në ligjin në fuqi, respektivisht nenit 46, paragrafi 2 dhe nenit 47 paragrafit 7, me datë 07.07.2021 bëhen 5 vite të zbatimit të kësaj mase. Prandaj, Departamenti i Tregtisë pas konsultimit me Komisionin për Vlerësimin e Detyrimeve të Veçanta në Importe, dhe neneve të lartpërmendura ka konstatuar se masa antidamping për bllokat standard 19x19x25 të importuar nga Serbia duhet të shfuqizohet, prandaj u vendos si në dispozitiv të këtij vendimi.



Rozeta HAJDARI

Rozeta Hajdari

Ministre e Ministrisë së Industrisë,
Ndërmarrësisë dhe Tregtisë

Vendimi i dërgohet:

- Dogana e Kosovës;
- Zyra e Sekretarit të Përgjithshëm/MINT;
- Anëtarëve të Komisionit për Vlerësimin e Detyrimeve të Veçanta të Importit;
- Departamentit të Tregtisë;
- Departamentit Ligjor;
- Arkivit të MTI-së.